

<><><><><><>

Headlines

- लेफ्टिनेंट गवर्नर मनोज सिन्हा होरें श्री अमरनाथ जी दी जात्तरा दे नुनवन ते चंदनवाड़ी आधार शिविरें दा दौरा लाया ते आखेआ जे श्रद्धालुएं दी सुरक्षा ते आराम उं'दी पैहली प्राथमिकता ऐ।
- जल शक्ति मंत्री जावेद राणा होरें मनिगाम, बालटाल ते दोमेल कैपें दा दौरा लाइयै अमरनाथ जात्तरा दे बालटाल आहले रस्ते पर कीते गेदे बंदोबस्तें दा तपसीली जायजा लैता।
- जम्मू-कश्मीर प्रशासन नै श्री अमरनाथ जात्तरा शा पैहले जम्मू थमां इस जात्तरा दे ड्राई-रन यानि अभ्यास दा कामयाबी कन्नै आयोजन कीता। जम्मू पुलसै, जात्तरा दे मददेनजर सुरक्षा बवस्था निगगर करी दित्ती ऐ।
- संसदी कमेटी दे इक डेलीगेशनै गुलमर्ग दा दौरा लाइयै उत्थे कीती गेदी बवस्थाएं ते सार्वजनिक शकैतें दे नबेड़े आहली प्रणाली दी समीक्षा कीती।
- कोटरंका सब-डिवीजन दे धार-साकरी ग्रांड च गैस्ट्रो-एन्टेराइटिस दे मामले सामने औने मगरा रजौरी जिला इंतजामिया नै तुरत हरकत च औंदे होई बचाऽ हीले शुरु कीते। जलशक्ति मंत्री जावेद अहमद राणा होर निजी तौर पर हालात दी निगरानी करै करदे न।

<><><><><><>

LG Reviews SANJY

लेफ्टिनेंट गवर्नर मनोज सिन्हा होरें आखेआ ऐ जे इस गल्लै गी जकीनी बनाना उं'दी प्राथमिकता ऐ जे श्री अमरनाथ जी दे श्रद्धालु, अपनी जात्तरा बड़े अराम कन्नै पूरी करन ते जम्मू-कश्मीर च ओह पूरी चाल्ली सुरक्षित ते आरामदायक तरीके कन्नै रौहन। एलजी होरें एह गल्ल श्री अमरनाथ जी दी जात्तरा लेई बंदोबस्तें दा जायजा लैने आस्तै कल नुनवन ते चंदनवाड़ी आधार शिविरें दा दौरा लांदे होई आखी। नुनवन आधार शिविर च एलजी होरें श्रद्धालुएं दी बवस्थित ढंग्गै सिर आओजाई लेई पैदल चलने आहले इक पुल दा उदघाटन कीता। श्री सिन्हा होरें नुनवन च आपदा प्रबंधन केन्द्र ते जात्तरी निवास दे कम्में च हासल प्रगति ते श्रद्धालुएं लेई बक्ख-बक्ख सेवाएं दा जायजा लैता। अपने दौरे दरान एलजी होरें चंदनवाड़ी बेस कैप अस्पताल च कीते गेदे सेहत दिक्खभाल बंदोबस्तें दी बी समीक्षा कीती।

<><><><><><>

Rana Baltal Axis

जल शक्ति मैहकमे दे मंत्री जावेद अहमद राणा होरें श्री अमरनाथ जी दी जात्तरा दे बालटाल आहले रस्ते पर कीते गेदे बंदोबस्तें दा कल तपसीली जायजा लैता। मंत्री होरें कल मनीगाम आहले ट्रांजिट कैप, बालटाल आधार शिविर ते दोमेल कैप दा दौरा लाया ते उत्थे कीती जा'रदी तैयारिएं दा आंकलन कीता। गांदरबल दे डिप्टी कमिशनर जतिन किशोर, कैप अफसरें ते होरनें बक्ख-बक्ख मैहकमें दे अधिकारिएं उ'नेंगी उत्थे तोढ़ चाढ़े जा'रदे बंदोबस्तें जानकार जानकारी दित्ती। तैयारिएं दा जायजा लैंदे होई मंत्री होरें बक्ख-बक्ख सरबंधत धड़ें बश्कार नेड़मे तालमेल दी जरूरतै पर जोर पाया तांजे इस गल्लै गी जकीनी बनाया जा जे अगेत्रे गै सभ्बनें बंदोबस्तें गी मुक्कदा रूप देई दित्ता जा। उ'नें आखेआ जे सरकार, देश-विदेश थमां श्री अमरनाथ जी दी जात्तरा लेई औने आहले श्रद्धालुएं दे अनुभव गी यादगार बनाने आस्तै कोई कोर-कसर बाकी नेई छोड़ग।

<><><><><><>

Jmu Police Security

औंदी श्री अमरनाथ जी दी सलाना जात्तरा लेई अपनी तैयारिएं गी तगड़ा करदे होई जम्मू पुलसै, नीम फौजी बलें दे तालमेल कन्नै बक्ख-बक्ख महत्वपूर्ण थाहरें पर सांझे नाके स्थापित करदे होई सुरक्षा सरबंधी हीलें गी होर बधाई दित्ता ऐ। राष्ट्री जरनैली सिड़क सने शैहरा दे बाहरले इलाकें ते भगवती नगर आधार शिविर बक्खी जाने आहले सिड़कें सने होरनें संवेदनशील इलाकें च 24 घैंटे कम्म करने आहली जांच चौकियां स्थापित कीतीआं गेइयां न। इस पैहलकदमी दा मकसद श्री

अमरनाथ जी दी जात्तरा गी सुरक्षित ते बवस्थित बनाना ऐ। जम्मू पुलस दे सीनियर ऐहलकार, निजी तौर उप्पर निगरानी करै करदे न ते बड़ी मती सतर्कता ते सार्वजनिक सुरक्षा जकीनी बनाने बक्खी ध्यान केन्द्रित कीता जा'रदा ऐ।

<><><><><><>

Dry Yatra Run

सलाना श्री अमरनाथ जी दी यात्रा गी शुरू होने च छड़े किष गै दिन रेई गे न, एहदे चलदे जम्मू श्रीनगर राष्ट्रीय जरनैली शिड़क पर जम्मू कष्पीर प्रषासन आस्सेआ यात्रा कॉनवे दा सफलतापूर्वक ड्राई रन करोआया गेआ। एह कॉनवे जम्मू थमां शुरू होई ते इसने बडलै 6 बजे उधमपुर पार करी लैता। जम्मू दे डिवीजनल कमीषनर रमेष कुमार, आईजीपी जम्मू भीम सेन टूटी ते वरिष्ठ अधिकारिएं टिक्करी ते जखैनी चौक थाहर इंतजामें दा जायजा लैता। उनें उधमपुर दिऐं डिप्टी कमीषनर सलोनी राय, डीआईजी उधमपुर-रियासी रेंज ते एसएसपी हुंदे कन्नै बी गल्ल कीती। एहदा मकसद औंदी यात्रा दी सुरक्षा सरबंधी तैआरिएं दा जाजया लैना हा।

<><><><><><>

Mock Drill

औंदी श्री अमरनाथ जी दी यात्रा गी सूचारू ढंगै सिर करोआने दे जतनें तैहत जम्मू कष्पीर राष्ट्रीय जरनैली शिड़क पर समरोली थाहर सेना, केन्द्री रिजर्व पुलस, जम्मू कष्पीर पुलस ते जम्मू कष्पीर प्रदेश आपदा प्रतिक्रिया बल आस्सेआ लास पस्सियां पौने सरबंधी इक मॉक ड्रिल करोआई गोई। आकाषवाणी समाचार कन्नै गल्ल करदे होई डीएसपी उधमपुर प्रहाद कुमार होरें आखेआ जे एहदा मकसद बक्ख-बक्ख बलें बष्कार तालमेल जकीनी बनाना ते तैआरिएं दा जायजा लैना हा। उनें आखेआ

<><><><><><>

Parliamentary Committee

अमले, सार्वजनिक शकैतें ते कानून ते न्याऽ बारै खडेरी गेदी संसद दी स्थाई कमेटी दे इक डेलीगेशनै सांसद ब्रिज लाल हुंदी अगुवाई च कल गुलमर्ग दा दौरा लाइयै उत्थे कीती गेदी बवस्थाएं सार्वजनिक शकैतें दे नबेड़े आहली प्रणाली दी समीक्षा कीती। उं'दा एह दौरा आपरेशन सिंदूर दे मददेनजर पैहले अगड़ा पाई दित्ता गेआ हा ते हून पहलगाम च सुरक्षा बवस्था दे हालात च बेहतरी दे मगरा उं'दा एह दौरा लगा'रदा ऐ। अधिकारिएं मूजब, कमेटी दे सदस्यें, घाटी च मजूदा सुरक्षा हालात ते लोकें अंदर फही आवा करदे विश्वास दी भावना पर संदोख बुज्जेआ। श्रीनगर च मुख्ख सचिव ते सरकारी अधिकारिएं कन्नै मिलने परैन्त कमेटी दे सदस्य संसद गी अपनी रिपोर्ट सौंपी देडन। इस सरबंधै च होर मती जानकारी सांझी करदे होई सांसद ब्रिज लाल होरें आखेआ

<><><><><><>

Satish Run

युवा सषव्तिकरण, नमिएं काह्डें ते समुदायिक सौहार्द गी बढ़ावा देने लेई जम्मू यूनिवर्सिटी दे सैलसफा मैहकमे आस्सेआ चैंबर ऑफ कार्मस इंडिया दे सैह्योग कन्नै "रन फॉर पीस एंड दनोवेषन" दा सरिस्ता कीता गेआ। एहदी शुरूआत युवा सेवा ते खेड्ड मंत्री सतीष शर्मा होरें झंडी दस्सियै कीती। किट्ठे गी संबोधत करदे होई मंत्री होरें आखेआ जे शांति ते नमियां काह्डां कुसै बी समाज दी प्रगति लेई इंजन दे तौर पर कम्म करा'रदियां न। इयै नेह कार्यक्रम समृद्ध समर्थ गी बढ़ावा देने ते युवाएं दे पूरे पराते विकास ते नमिएं काह्डें आले भविक्ख गी आकार देने च मददगार हुंदे न। मंत्री होरें जोर देइयै आखेआ जे नेह कार्यक्रम युवाएं गी आपूं च जुड़ने, सैह्योग करने च मददगार हुंदे न।

<><><><><><>

Rajouri Gastro

कोटरंका सब-डिवीजन दे धार-साकरी ग्रांऽ च गैस्ट्रो-एन्टेराइटिस दे मामले सामने औने मगरा रजौरी दे जिला इंतजामिया नै तुरत हरकत च औंदे होई बचाऽ सरबंधी हीले करना शुरू करी दित्ता ऐ। जलशक्ति मैहकमे दे मंत्री जावेद अहमद राणा होर आपूं निजी तौर पर हालात दी निगरानी करै करदे न। सरबंधत इंजीनियरें ते पानी दी जांच सरबंधी अमले आहली इक तकनीकी टीमै इलाके दा दौरा लाइयै उत्थे चार झरनें ते इक नलके दे पानी दे नमूने किट्ठे कीते। लैबाटरी दे नतीजें, द'उं झरनें दे पानी च ई-कॉली जरासीम दी मजूदगी दी तसदीक कीती ऐ जदके नलके दे पानी गी साफ करार दित्ता गेआ ऐ। प्रशासन दी तरफा इस गल्लै दी पक्की बवस्था कीती जा'रदी ऐ जे मुकामी लोकें गी पीने आहला साफ पानी उपलब्ध होऐ।

<><><><><><>

Army Pre Training

सेना दी रोमियो फोर्स आस्सेआ पुंछ, राजौरी ते रियासी जिले च सिखलाई थमां पैहले आली भर्ती सिखलाई दा सरिस्ता कीता गेआ। एह्दा मकसद बन्ने आले घट्ट विकसित इलाके, गुज्जर ते बक्करवाल समुदाय दे युवाएं गी अग्निपथ स्कीम ते टैरीटोरियल आर्मी सरबंधी भर्ती लेई तैआर करना ऐ। सिखलाई दरान शारीरिक सेह्त, लिखित मतेयान, सामान्य ज्ञान ते शख्सीयत गी निखारने पर ध्यान केन्द्रित कीता गेआ। इस बारे होर जानकारी साढ़े संवाददाता थमां.

<><><><><><>